

廿二史考異

史記三

廿二史攷異三

錢大昕學

禮書 張晏謂禮書樂書遷沒之後亡今二篇俱有今
上卽位之文似非盡褚先生所補

社至于諸侯函及士大夫索隱云舍謂包容鄒誕生音
昭徒濫反意義亦通今案大戴禮作導及士大夫導
亦通也今此爲陷者當以導與蹈同後足字失止唯
有口孖故使解者得以穿鑿而用也 予謂函及者
覃及也說文弓啍也讀若舍函从弓得聲亦与啍同
義古文導與禪同士喪禮中月而禪古文禪作導說



文棧讀若三年導服之導亦謂禪服也導與禪通則亦與覃覃通而陷又與覃同音是文異而實不異小司馬疑陷爲蹈之譌由不知古音之變易也

陷从陷
聲俱別

樂書

高祖過沛詩三侯之章索隱云侯語辭也兮亦語辭沛詩有三兮故云三侯也 侯兮聲相近

其聲噍以殺 索隱本作焦

志微焦衰之音作 古文殺與衰通易神武不殺虞仲翔本作衰

石聲磬磬以立別 樂記磬作磬別作并按說文磬卽
磬之古文釋名磬磬也聲堅磬磬然論語子擊磬于
衛荷蕢言鄙哉磬磬乎磬磬猶磬磬謂磬聲也鐘磬
皆以聲得名鄭康成注樂記謂磬當爲磬蓋誤以磬
爲器名不知磬卽磬也辨別聲義皆同古人徃徃通
用

律書

聞聲效勝負 效見也

晉用咎犯正義云狐偃也咎季也又云胥臣也 案古

文舅爲咎

見士昏
禮注

狐偃晉文公之舅故稱咎犯禮記

亦作舅犯也正義以爲二人未詳所據咎季卽胥臣
左傳謂之曰季

不周風居西北主殺生 按八卦之位乾居西北故八
風始於西北易坤之上六龍戰于野謂十月之卦也
說卦傳戰乎乾乾西北之卦陰陽相薄故云主殺生
與易義同五行家以亥爲天門遁甲乾主開門史公
所謂辟生氣而東之也

牛者冒也 牛牙音之收聲冒唇音之收聲聲不類而
轉相訓者同位故也古人以反側與輾轉對顛沛與
造次對元首與股肱對反側顛沛與韻如同爲出聲元

首同爲收聲則亦爲雙聲矣徵諸經典如多訓祗鈞
訓等蔽訓斷邇訓鄉振訓救曹訓羣憑訓大冢訓嫂
貫訓中樂訓大衫訓卑皆以諧聲取義牛之訓冒亦
此例也

東至于建星 唐一行日度議謂甄曜度及魯歷南方
有狼弧无東井鬼北方有建星无南斗此書述二十
八舍亦曰建星易南斗狼弧易東井與鬼然則史公
所用殆魯歷與

條風居東北主出萬物 東北者艮方也萬物之所成
終而所成始故主出萬物於遁甲爲生門

箕者言萬物根棋 棋讀如亥易箕子之明夷趙賓以
爲箕子者萬物方亥茲也其義蓋本於史公徐廣云
棋一作橫橫蓋核字之譌核亦有該音

清明風居東南維主風 東南者巽方也故主風

涼風居西南維主地 西南者坤方也故主地於遁甲
爲處門故云萬物就死氣也

北至于罰 罰与伐同此敘二十八舍有罰无觜觿

北至于留索隱云留卽卯也毛傳亦以留爲卯 卯卽

昴字詩維參與昴毛云昴留也孔疏引元命包云昴
之爲言留也言物成就繫留也昴留旣爲一物留从

而則昴亦當从𠂔而讀如柳矣𠂔古文酉仲秋建酉之月此文以𠂔屬八月益徵昴當从𠂔不从𠂔也今本說文昴从𠂔蓋傳寫之譌然徐仙民讀昴如茅陸氏釋文亦音𠂔廣韻亦收入上聲巧部則此音之譌久矣

戊者言萬物盡滅 說文戊滅也五行火𣦵于戊陽氣至戊而盡故威从火戊

太簇長七寸七分二

七分當作十分

角

角當作商晉書律歷

志云司馬遷言五音相生以宮生角角生商商生徵徵生羽羽生宮求其理用罔見通途依晉志次之林

鐘爲角南呂爲徵姑洗爲羽則太簇必爲商可知也
生鐘分子一分 謂黃鐘長九寸其數八十一爲十二
律之本

丑三分二 謂林鐘長六寸其數五十四于黃鐘本數
中得三分之二也下仿此

寅九分八 謂太簇長八寸其數七十二得黃鐘本數
九分之八

卯二十七分十六 謂南呂長五寸三分寸之一也以
分子爲實前兩位分母爲法實如法得寸分之數後
仿此其數四十八

辰八十一分六十四 謂姑洗長七寸九分寸之一也
其數六十四

巳二百四十三分一百二十八 謂應鐘長四寸二十
七分寸之二十也其數四十二又三分之二史公以
九分爲寸故云長四寸二分三分二自此以下俱有
零分

午七百二十九分五百一十二 謂蕤賓長六寸八十
一分寸之二十六也其數五十六又九分之八故云
長五寸六分三分二今本作一誤其實不止三分之二史
約其大率耳

未二千一百八十七分一千二十四 謂大呂四寸二
百四十三分寸之五十二倍之則爲八寸二百四十
三分寸之一百四也 鄭康成注周禮大呂夾鍾中呂
皆用倍律 蕤賓下生得正律
若上生則 其數七十五又二十七分之二十三 此用
得倍律
之數 故云長七寸五分三分二 今本作
一誤 亦尚有餘分
也

申六千五百六十一分四千九十六 謂夷則長五寸
七百二十九分寸之四百五十一也其數五十又八
十一分之四十六故云長五寸 今本下有四
分二字誤 三分二
其實不足三分之二舉其大數也

西一萬九千六百八十三分八千一百九十二 謂夾
鐘長三寸二千一百八十七分寸之一千六百三十
一倍之則爲七寸二千一百八十七分寸之一千七
十五也其數六十七又二百四十三分之一百三故
云長六寸七今本作
一誤分三分一亦尚有餘分
戊五萬九千四十九分三萬二千七百六十八 謂無
射長四寸六千五百六十一分寸之六千五百廿四
也其數四十四又七百二十九分之六百九十二故
云長四寸四分三分二尚有餘分

亥十七萬七千一百四十七分六萬五千五百三十六

謂仲呂長三寸一萬九千六百八十三分寸之六千四百八十七倍之爲六寸一萬九千六百八十三分寸之一萬二千九百七十四也其數五十九又二千一百八十七分之二千三十九故云長五寸九分三分二亦尚有餘分也若以十二律配十二月則陽律居本月陰律居其對月如林鐘丑而杜未月南呂卯而杜酉月是也大呂以下必用倍律者以律配月丑月之律不可短于寅律卯月之律不可短于辰律巳月之律不可短于午律故必倍其數而後長短適如其次也而倍律之數則惟蕤賓重上生始得之蕤

賓之下生者正律之寸分也重上生者倍律之寸分也史公言十二律分寸取倍數言生鐘分取正數各有所當不可偏廢也

上九商八羽七角六宮五徵九索隱云此文似數錯未暇研覈也予族子唐以太元淮南天文訓證明史公之義其說確不可易今述之左方太元云甲巳之數九乙庚八丙辛七丁壬六戊癸五淮南云戊子黃鐘之宮也庚子無射之商也壬子夷則之角也甲子中呂之徵也丙子夾鐘之羽也蓋古法六十律旋相爲宮黃鐘爲宮起戊子則林鐘爲徵配己丑太族爲

商配庚寅南呂爲羽配辛卯姑洗爲角配壬辰次應
鐘爲宮配癸巳蕤賓爲徵配甲午大呂爲商配乙未
夷則爲羽配丙申夾鐘爲角配丁酉次無射爲宮配
戊戌中呂爲徵配己亥黃鐘爲商配庚子故云庚子無射之商
林鐘爲羽配辛丑太族爲角配壬寅次南呂爲宮配
癸卯姑洗爲徵配甲辰應鐘爲商配乙巳蕤賓爲羽
配丙午大呂爲角配丁未次夷則爲宮配戊申夾鐘
爲徵配己酉無射爲商配庚戌中呂爲羽配辛亥黃
鐘爲角配壬子故云壬子夷則之角次林鐘爲宮配癸丑太族
爲徵配甲寅南呂爲商配乙卯姑洗爲羽配丙辰應

鐘爲角配丁巳次蕤賓爲宮配戊午大呂爲徵配己未夷則爲商配庚申夾鐘爲羽配辛酉無射爲角配壬戌次中呂爲宮配癸亥黃鐘爲徵配甲子故云甲子中呂之林鐘爲商配乙丑太族爲羽配丙寅南呂爲角配丁卯次姑洗爲宮配戊辰應鐘爲徵配己巳蕤賓爲商配庚午大呂爲羽配辛未夷則爲角配壬申次夾鐘爲宮配癸酉無射爲徵配甲戌中呂爲商配乙亥黃鐘爲羽配丙子故云丙子夾鐘之羽林鐘爲角配丁丑次太族爲宮配戊寅南呂爲徵配己卯姑洗爲商配庚辰應鐘爲羽配辛巳蕤賓爲角配壬午次大呂爲宮配

癸未夷則爲徵配甲申夾鍾爲商配乙酉無射爲羽
配丙戌中呂爲角配丁亥而六十律終矣戊癸爲宮
聲故宮之數五甲巳爲徵聲故徵之數九乙庚爲商
聲故商之數八丙辛爲羽聲故羽之數七丁壬爲角
聲故角之數六也

置一而九三之以爲法 此下當云十一三之以爲實
轉寫脫之

歷書

明者孟也幽者幼也 明孟聲相近古讀明如茫而孟
亦与茫通戰國魏有茫卯它書作孟卯又与屮通後

漢書趙岐作黽子章句

今本作要子字相涉而譌

卽孟子也毛公

詁詩正爲長冥爲幼而鄭康成箋之以正爲晝冥爲夜狀則晝爲長夜爲幼与大戴太史公之義正同

歸邪于終注邪音餘 邪餘聲相近

注陳術云徵士巴郡落下閤 陳術蜀人謨益部耆舊

雜記

其更以七年爲太初元年年名焉逢攝提格索隱云爾雅歲在甲曰焉逢寅曰攝提格則此甲寅之年十一月甲子朔旦冬至也此篇末亦云寅名攝提格則是甲寅不疑也又據二年名單闕三年名執徐等年次

分明而漢志以爲其年在丙子當是班固用三統与太初歷不同故与太史公說有異 按索隱之說非也漢志云迺以前歷上元泰初四千六百一十七歲至于元封七年復得闕逢攝提格之歲中冬十一月甲子朔旦冬至日月在建星太歲在子狀則班史何嘗不云闕逢攝提格之歲与太史公說曷嘗有異乎古法歲陰与太歲不同太歲与歲星常相應歲星自丑右行太歲自子左行歲在星紀則太歲必在子在元枵則太歲必在丑歲星百四十有四年而超一辰卽太歲亦超一辰矣太初之元歲在星紀故漢志以

爲太歲在子而當時詔書以爲年名闕逢攝提格者
乃指歲陰所在非太歲所在也歲陰亦謂之太陰又
曰青龍亦左行周十二辰而常在太歲之前二辰如
太歲在子則太陰在寅太歲在丑則太陰在卯也淮
南天文訓太陰在寅歲名曰攝提格太陰在卯歲名
曰單闕太陰在辰歲名曰執徐太陰在巳歲名曰大
荒落太陰在午歲名曰敦牂太陰在未歲名曰協洽
太陰在申歲名曰涒灘太陰在酉歲名曰作鄂太陰
在戌歲名曰閭茂太陰在亥歲名曰大淵獻太陰在
子歲名曰困敦太陰在丑歲名曰赤奮若蓋古人曰

太陰紀歲攝提格以下十二名皆謂太陰所在淮南
子言太陰元始建于甲寅故以焉逢攝提格之歲爲
歷元而太初三統推上元日月五星皆起于星紀故
太歲起丙子史記歷術甲子篇云甲寅年者以太陰
所在紀歲名班史云歲名困敦乃真太歲所在也東
漢以降術家鮮知太陰太歲之別又不知太歲超辰
之義而古書多難通矣

太初元年歲名焉逢攝提格月名畢聚日得甲子夜半
朔旦冬至索隱云聚音姬謂月值畢及姬訾也畢月
雉也聚月雌也 按爾雅月在甲曰畢正月爲暉十

一月爲辜此冬至之月建子月也月陽在甲當云畢辜而云畢聚者聚與厥古文通用天正之月亦可云厥也索隱謂月值姬訾則是建寅之月非冬至矣

徒維敦牂天漢元年 此篇載歲陽名焉逢爲甲端蒙爲乙游兆爲丙強梧爲丁徒維爲戊祝犁爲己商橫爲庚昭陽爲辛橫艾爲壬尚章爲癸皆與尔正異焉與閼端與旃游與柔梧與留音本相近戊己以下則音義全別且多違反蓋漢儒傳授各異尔徐廣注單閼一作真安游兆一作游桃亦音相近也

天官書

中宮天極星 此中宮天極星及東宮蒼龍南宮朱鳥
西宮咸池北宮元武五宮字皆當作官按下文云紫
宮房心權衡咸池虛危此天之五官坐位也可證史
公本文皆作官矣索隱于中宮下引春秋元命包官
之爲言宜也古人取音義相協展轉互訓以宣訓官音相近也流俗本亦譌作宮由于不知
音下文紫宮下乃引元命包宮之言中也又可證小
司馬元本中宮作中官矣小司馬解天官云天文有
五官官者星官也星座有尊卑若人之官曹列位故
曰天官

司其出所守 司古伺字

北宮元武虛危 北方七宿不及東壁蓋傳寫失之
以攝提格歲歲陰左行在寅歲星右轉居丑 歲陰者
太陰也淮南天文訓天神之貴者莫貴于青龍或曰
天一或曰太陰太陰所居不可背而可鄉又云太陰
所建蟄蟲首穴而處鵲巢鄉而爲戶太陰在寅寅爲
建卯爲除辰爲滿巳爲平午爲定未爲執申爲破酉
爲危戌爲成亥爲收子爲開主太歲丑爲閉此太陰
与太歲之別也古法太歲与歲星相應歲星居丑則
太歲當在子而稱攝提格歲者史公以太陰紀歲不
以太歲紀歲与淮南天文訓同也貨殖傳太陰在卯

穰明歲衰惡至午旱明歲美至酉穰明歲衰惡至子
大旱明歲美有水此亦以太陰紀歲之證

正月与斗牽牛晨出東方 淮南天文訓太陰在寅歲
名曰攝提格其雄爲歲星舍斗牽牛以十一月与之
晨出東方此云正月者史公据石氏星經較淮南書
每後兩月

以二月与婺女虛危晨出 淮南作十二月

以三月居与營室東壁晨出 淮南作正月居字衍

以四月与奎婁胃昂晨出 淮南作二月胃昂二字衍

漢志淮南書俱无胃昂字

以五月与胃昴畢晨出 淮南作三月

以六月与觜參晨出 淮南作四月

曰長列 漢志列作烈

以七月与東井興鬼晨出 淮南作五月

曰大音 漢志作天晉

以八月与柳七星張晨出 淮南作六月

曰爲長王 漢志作長王

以九月与翼軫晨出 淮南作七月

以十月与角亢晨出 淮南作八月

曰大章索隱云天文志作大星 漢志作天皇

以十一月与氐房心晨出 淮南作九月

曰天泉 漢志泉作宗

以十二月与尾箕晨出 淮南作十月

熒惑爲勃亂 勃卽悖字

歲行十二度百十二分度之五 按填星率二十八日

而行一度歲三百六十五日當行十三度餘一日四

分日之一當云二十八分度之一又小分四之一通

其率爲百十二分度之五也十二度當作十三度

若水金在南曰牝牡 水當作木

仲春春分夕出郊奎婁胃東五舍爲齊仲夏夏至夕出

郊東井輿鬼柳東七舍爲楚仲秋秋分夕出郊角亢
氐房東四舍爲漢仲冬冬至晨出郊東方与尾箕斗
牽牛俱西爲中國 按四郊字皆效字之譌淮南天
文訓辰星正四時常以二月春分効奎婁以五月夏
至効東井輿鬼以十一月冬至効斗牽牛高誘云効
見也予謂効見聲相近說文无効字當爲效

月食始曰五月者六六月者五五月復六六月者一而
五月者凡五百一十三月而復始索隱云依此文計
惟有一百二十一月与元數甚爲懸校旣无太初歷
術不可得而推定今以漢志三統歷法計則五月者

七六月者一又五月者一六月者五五月者一凡一百三十五月而復始耳或術家各異或傳寫錯謬故此不同无以明知也 按本文傳寫固有錯謬小司馬所引三統法亦誤也今攷三統四分術並以五月二十三分之二十而一食依次推之則五月者一六月者六又五月者一六月者七又五月者一六月者七凡百三十五月而復始也校書之家罕通步算傳寫譌脫莫能是正自昔狀矣

去地可六丈大注徐廣曰大一作六 大當作六六字連下句讀六賊星名也

水澹澤竭地長見象 漢志云水澹地長澤竭見象蓋
以長象爲韻与上下文同例澹古贈字水澹与澤竭
意亦相對此慎倒兩字蓋傳寫之譌

城郭門閭閨臬枯槁 枯槁當作槁枯与閭韻也閨
臬漢志作潤息于義爲長

斗秉兼之 秉卽柄字

封禪書

蚩尤在東平陸監鄉索隱云監音闕皇覽云蚩尤冢在
東平郡壽張縣闕鄉城內 古文監与闕通左傳闕
止史記作監止

文帝出長安門 安字衍下文云長門五帝可證也漢志亦作長門

一元曰建二元以長星曰光三元以郊得一角獸曰狩云 按元光之後尚有元朔則元狩乃四元非三元班史改以爲今无三元字蓋得之矣言建元元光而不言元朔者建以斗建爲名光以長星爲名皆取天象若元朔紀年應劭解朔爲蘇取品物繇息之義不主天瑞故不及之耳說者謂建元元光之名亦此時追命之恐未狀也武帝紀建下多元字光上狩上亦行元字此又後人妄增

與王不相中 武帝紀中字下有得字蓋後人妄增小
司馬引三蒼訓中爲得可證本文无得字也

日月北斗登龍 登与升同

河渠書

禹抑鴻水索隱云抑者遏也漢書溝洫志作堙堙抑皆
塞也 按堙抑遏聲皆相轉

西門豹引漳水溉鄴以富魏之河內 按漢志史起言
鄴田惡漳水在其旁而西門豹不知用是不智也乃
以起爲鄴令遂引漳水溉鄴民歌之史記以引漳水
溉鄴爲西門豹事誤

江河之決皆天事未易以人力爲彊塞塞之未必應天

此老成謀國之言當時惡蚡者謂蚡奉邑在河北

故沮塞河之役其實非公論也建元三年閭越舉兵

圍東甌東甌使人告急蚡云越人相攻擊固其常又

數反覆不足煩中國徃救事見東越傳此語与汲黯相似

蚡雖進由外戚負責好權此兩事殊足稱也儒林列傳武安

侯田蚡爲丞相絀黃老刑名百家之言延文學儒者數百人

拜湯子卬爲漢中守 當云漢中太守脫太字

其後莊熊羆言 漢志作嚴熊无羆字

皓皓盱盱兮閭殫爲河 漢志閭作慮慮閭以音同借

用遼東無慮縣以醫無閭山得名是也此閭字亦借爲憂慮之慮裴駰解爲州閭非是

延道弛分離常流注徐廣曰延一作正按漢書亦作

正正道弛者失其正道也古文正與征通

并釋書正伯僑揚雄

賦作征僑征或作延與延字形相似因譌爲延爾小司馬

作延長解似曲

平準書

于是募民能輸及轉粟于遼者拜爵爵得至大庶長

按文帝用鼂錯之言令民入粟拜爵此賣爵非賣官

也爵自公士至公乘凡八等雖有爵猶不得復除與

攷異

史記三

二

編戶无異自五夫夫至大庶長十等爵雖高初无職事非有治民之責也官有定員而爵无定員故云爵者上之所擅出於口而无窮蓋假以虛名未嘗列于仕籍錯雖言利猶不妨吏道矣孝武用兵府庫益虛乃有入羊爲郎之例其後置武功爵爵至官首者得試補吏先除雖云買爵亦得入仕蓋祖晷錯之意而失之者也

彭吳賈滅朝鮮置滄海之郡 案漢書武帝紀元朔元年東夷薺君南閭等口二十八萬人降爲蒼海郡三年春罷蒼海郡至元封三年滅朝鮮相距二十年不

待并爲一事且滅朝鮮者爲荀彘楊僕亦无彭吳賈
其人也漢書食貨志但云彭吳穿穢貉朝鮮置滄海
郡較之史記爲確予又疑滅當爲滅字之訛滅與蔑
穢同賈讀爲商賈之賈謂彭吳與滅朝鮮貿易因得
通道置郡也小司馬謂彭吳始開其道而滅之非是
河決觀注徐廣曰觀縣名也 是時河決瓠子東注鉅
野不及觀也漢書觀作灌屬下句當從之

而姦或盜摩錢裏取銘注徐廣曰音容呂靜曰治器法
謂之銘 按徐說非也銘當作銘說文銘銅屑也讀
若浴漢志姦或盜摩錢質而取銘臣瓚以爲摩錢漫

面已取其肩更以鑄錢西京黃圖敘云民摩錢取肩是也

民多買復及五大夫徵發之士益鮮 鼂錯言爵至五大夫以上迺復卒一人武帝置武功爵千夫如五大夫故五大夫與千夫皆不在徵召之限

不欲者出馬 吏多坐法廢免買爵者多不願除吏故又使出馬

異時算輅車賈人緡錢皆有差 異時謂漢初也上文言高祖初平天下令賈人不得乘車重租稅以困辱之蓋謂此

樂令居索隱云令音零姚氏音連連令聲相近

初置張掖酒泉郡注徐廣曰元鼎六年按漢書武帝紀元鼎六年分武威酒泉地置張掖敦煌郡而酒泉置郡乃在元狩二年徐氏誤

史記四

廿二史攷異四

錢大昕學

吳太伯世家

楚共王伐吳至衡山注杜預曰吳興烏程縣南也按
烏程吳之南境楚兵不能深入至此今當塗縣北有
橫山卽春秋之衡山也

美哉颯颯乎索隱云颯音馮又音泛 說文无颯字蓋
卽汎之異文

將舍于宿注左傳曰將宿于戚索隱云太史公以舍字
替宿遂以宿字替戚戚是邑名今宜讀宿爲戚按

攷異

史記四

衛世家封孫文子林父于宿宿卽戚也古音戚如蹙
蹙與縮通少牢禮縮執俎注古文縮爲蹙是也宿本
有蹙音小司馬讀爲戚是未達于古音

懼猶不足而又可以畔乎索隱云春秋左氏傳曰而又
何樂此畔字宜讀曰樂 予謂畔讀如心廣體胖之
胖胖與般同皆有樂義

齊太公世家

文王伐崇密須犬夷 犬夷卽昆夷

子丁公呂伋立 說文丁作𠂔

遂獵沛邱 左傳沛作貝沛亦有貝音楚世家朝射東

莒夕發浪邱卽此貝邱也

與丙戎之父獵 左氏作郤歆戎蜀聲相近

使庸職駢乘索隱云左氏作閭職此言庸職庸非姓蓋
謂受雇職之妻史意不同字亦異耳 按庸閭聲相
近書毋若火始炎炎漢書作庸庸小司馬不識古音
妄以庸爲受雇甚可笑也

莒星將出 莒卽字字

八月齊秉意茲 此下有脫文

闕止有寵焉索隱云左氏監作闕 田齊世家作監止
此史公本文也此篇作闕乃後人妄改

魯周公世家

戴璧秉圭 戴卽載字尚書戴爲植鄭康成云植古置

字載置聲相近

異母同穎索隱云尚書母作畝此爲母義亦並通 古

文畝爲晦母卽晦之省

作隗禾 書序隗爲歸歸有隗音論語詠而歸歸孔子

咏齊人歸女樂皆讀如隗

王亦未敢訓周公索隱云尚書作訓此作訓字誤耳

予謂訓从肖古書或省从小轉寫譌爲川爾

躬躬如畏朕注徐廣曰躬躬謹敬兒音窮窮一本作葵

夔 夔窮聲相近

治民震懼 尚書震爲祗震祗聲相近

乃有亮闇 尚書有爲或或有聲相近鄭康成云或之

言有也

論語注

敬復之注徐廣曰一作振 尚書敬爲祗祗振聲相近

煬公築茅闕門六年卒 漢書律歷志煬公卽位六十

年此脫十字

子屯立是爲康公索隱云屯音竹倫反 漢志屯作毛

字形相涉而譌

子賈立是爲文公索隱云系本作湑公 漢志作緡公

攷異

史記四

三

春秋時已有文公湣又與閔同疑漢志是也

燕召公世家

子今王喜立 今王蓋當時人所稱猶紀年稱魏襄王
爲今王也史公雜采戰國書未及刊正

管蔡世家

次曰冉季載 左傳作聃季亦音乃甘切

而舉胡以爲魯卿士 小司馬据尚書蔡仲无仕魯之
文又謂伯禽居魯乃杜七年致政之後疑史公无所
據予謂周公封魯杜武王未沒以前公既畱相王室
必遣人往治之則當伯禽未之魯而使蔡仲以卿士

治其國何渠不可乎書云周公以爲卿士旣非王則之卿卽是仕魯之證矣

衛使史鮪言康叔之功德 據左氏傳乃祝鮀非史鮪也兩人同字子魚因而傳譌

乃令賊利殺昭侯 按左氏傳弑昭侯者公孫彌也

子莊公夕姑立索隱云夕音亦卽射姑也 予謂夕者夜也功臣侯表趙將夜漢書作將夕夜又與射通春秋狐射姑出奔狄公羊作夜姑

陳杞世家

空籍五歲矣

按籍字索隱有二解當以借義爲長字

攷異

史記四

四

宐从艸不从竹

題公生謀娶公注徐廣曰謀一作謨索隱云娶子與反
謀謨聲相近說文有娶无媼媼娶本一字故讀娶
爲子與切

衛康叔世家

衛君黔牟立八年 按年表黔牟立十年乃出奔

惠公立三年出八年復入与前通年凡十一年矣

按年表惠公復入與前爲十四年此誤

衛石曼專逐其君起索隱云左傳作石圃此專音圃穀
梁作曼姑專或音姑諸本多无曼字 按專當作專

專與圃音相近石曼姑團戚杜魯哀公三年與此石
專必非一人諸本无曼字者是也左氏公羊經文皆
作曼姑索隱專指穀梁亦未厭

宋微子世家

滅阮阮國懼禍至 下阮字衍阮或作阮周本紀作耆
今殷其典喪注典國典也索隱云尚書典作淪篆字變
易其義亦殊 予謂典讀如殄典喪者殄喪也攷工
記輯欲顧典鄭司農讀典爲殄燕禮寡君有不腆之
酒注古文腆爲殄是典腆與殄通

我其殄出往注鄭元曰我其起作出往 詩昊天曰明

及爾出王毛氏傳王往也

天篤下菑亾殷國 尚書篤爲毒大宛傳其東南有身
毒國卽天竺也竺古篤字小司馬亦讀毒爲篤

常倫所數注徐廣曰一作釋 釋當作燁說文引書葬
倫攸燁燁敗也

曰涕曰霧注徐廣曰一作曰洩曰被 夷有弟音故蕤
讀如稊涕亦或爲洩也霧說文作霰被乃孜字之譌
尚書涕爲驛霧爲蒙又蒙杜驛上與此文異

卜五占之用二衍賁 鄭氏以卜五占之用爲句二衍
賁爲句上句言卜下句言筮

三十年惠公卒子哀公立 按年表三十一年惠公薨
次年卽爲戴公元年少哀公一世

乃公子子魚教潛公也 據左氏傳乃公子御說之詞
昭公弟鮑革注徐廣曰一无革字 按左氏无革字下
文亦有單稱公子鮑者則革爲衍文明矣周禮攻皮
之工有鮑氏鮑或作鞞从革此字蓋讀如鞞革之鞞
後人潤入正文

晉世家

使宦者履鞞 前云勃鞞後云履鞞史駁文或曰本讀
鞞爲履鞞字後人潤入正文轉去勃存履耳

攷異

史記四

六

狄伐咎如索隱云咎音高鄉誕本作囷如 囷咎聲相近

犁二十五年 犁遲也猶言待也

且言何以易之索隱云言人之出言不可輕易之也
謂其言不可移易小司馬讀易爲去聲非也

餓人示眯明也索隱云卽左傳之提彌明 按古文神
祇字作示說文祇地祇提出萬物者也是示與提義
相通矣鄭大夫高渠彌史記亦作眯

魏文子請老辟卻克 當作范武子

其侍者豎陽穀 左氏作穀陽豎

東至膠南至沂 左氏膠爲濰

楚世家

三曰彭祖注虞翻曰名翦 大戴禮帝系篇作錢

季連生附沮附沮生穴熊 帝系篇季連產什祖氏什

祖氏產內熊

賓之南海 賓讀曰擯

王怒射殺子反 據左氏共王賜子反死非親射殺也

謂初王比曰 比无諡故以初王目之

棄疾使船入從江上走呼 左傳云周走而呼古文周

市之周作舡或省爲舟故史公譌爲船人之說非其

實也詩舟人之子鄭康成云舟當作周攷工記作舟以行水注故書舟作周周舟二文恒相亂也

卒自娶秦女生熊珍 春秋珍作軫伍子胥傳亦作軫

蜀伐楚取茲方正義云古今地名云荊州松滋縣古鳩

茲地卽茲方是也 按左氏傳楚子重伐吳克鳩茲

杜預云鳩茲在丹陽蕪湖縣東今皋夷也 鳩皋聲相近茲夷音

相近與茲方非一地

鄒費邾邳者羅鶴也 孟子書有鄒穆公費惠公此文

云泗上十二諸侯則戰國之世小諸侯存者尚多也

秦王趙政立 秦王政之立五國世家皆書而韓世家

獨闕此篇稱趙政又与他世家異

虜楚王負芻滅楚名爲楚郡云注孫檢曰秦虜楚王負芻滅去楚名以楚地爲秦郡按秦始皇父名楚故始皇本紀稱楚爲荆滅楚之後未嘗置楚郡也孫氏謂滅去楚名蓋得其實楚郡之楚當是衍文或者謂三十六郡之外有楚郡者歟也

越王句踐世家

後二十餘世至于允常按少康至桀十一傳殷湯至紂三十傳周自武王至敬王又二十五傳而越之世乃止二十餘理所必无也正義引輿地志云越侯傳

國三十餘葉歷殷至周敬王較爲近之

敗之夫椒索隱云椒本又作湫 湫椒聲相近伍子胥
傳作夫湫楚大夫椒舉漢書作湫舉

越以服爲臣 以與已同

與大夫柘稽索隱云國語作諸稽郢 諸柘聲相近

齊與吳疥癰也索隱云疥癰音介抄 徒鮮聲相近故
癰爲癰之異文

正義云黃帝之元執辰破已霸王之氣見于地戶 按

術家以亥爲天門已爲地戶建在亥則破在已執在
辰矣已爲楚分而吳越在中國之東南正當已位故

云地戶之位非吳則越春秋時能病楚者吳能病吳者越以其當地戶也

鄭世家

友初封于鄭索隱云系本云桓公居械林徒拾 鄭氏詩譜宣王封母弟友于宗周畿內成林之地今京兆鄭縣是其地也械林成林疑是一地

視瞻射王中臂索隱云左氏作祝聃 瞻當作瞻說文瞻審耳也與聃音義相近左氏云中肩此云中臂傳聞異辭

殺其大夫單伯索隱云依左傳作檀伯此文誤爲單伯

者因魯莊公十四年厲公自櫟侵鄭事與單伯會齊師伐宋相連故知誤耳 予謂單亶古文通用歷書單闕一作亶安淮南泰族訓密子治亶父卽單父也詩下民卒瘁沈重本作瘡則檀單亦自可通非因左傳而誤

鄆公惡鄭于楚 說文鄆太嶽之後甫侯所封讀若許聲公五年鄭相子產卒子產者鄭成公少子也 按子產者子國之子穆公之孫而世家以爲成公子一誤也子產卒于定公時而世家云聲公五年二誤也至循吏傳稱鄭昭君之時太宮子期言之君以子產爲

相則尤无稽之談也

趙世家

吾有所見子晰也索隱云吾前夢所見者知其名曰子
晰也詳文義謂吾有所見子甚晰蓋記憶前夢之
詞非其人名子晰也

襄子立四年知伯与韓趙魏盡分其范中行故地晉出
公怒告齊魯欲以伐四卿四卿恐遂共攻出公出公
奔齊道成知伯乃立昭公會孫驕是爲晉懿公按
六國表襄子四年與知伯分范中行地是歲爲晉哀
公忌之三年出公盡十八年別无出奔之文及攷晉

世家則云出公十七年知伯與韓趙魏共分范中行地以爲邑出公怒告齊魯欲以伐四卿四卿恐遂反攻出公出公奔齊道死故知伯乃立昭公曾孫驕爲晉君是爲哀公哀公大父雍晉昭公少子也生忌忌善知伯早死乃立忌子驕爲君以趙世家證之出公十七年簡子卒而襄子代立則與知伯分地之事不當杜襄子四年矣凡諸侯稱出者失國之詞出公怒四卿之分地而見逐于四卿則分地必杜出公之末年或者分地杜十七年而奔齊道死則杜明年故表得有十八年耳繼出公而立者據晉世家爲哀公驕

據趙世家爲懿公驕據表爲哀公忌世家以忌爲驕
之父表則有忌无驕而正義引表云出公錯十八年
哀公忌二年懿公驕十七年今檢表自哀公元年距
幽公桺元年凡十有九歲疑今本脫去晉懿公驕元
年六字狀与世家總不合

成侯十六年与韓魏分晉封晉君以端氏 按三家分
晉杜敬侯十一年晉之滅已十有八年矣或其君猶
存故封以一城使臣于趙也

武靈王二十五年惠后卒 此惠后卽吳娃也惠后未
歿之前子何已立爲太子矣後文云吳娃歿卽追敘

此事非歿于傳位之後也孝成二年惠文后卒此是
惠文王之后長安君之母戰國策所謂趙太后也索
隱以此惠后爲前太子章之母以惠文后爲吳娃翻
疑史記娃歿之誤可謂弗思甚也

反高平根柔于魏正義云根柔未詳 根柔戰國策作
溫枳皆河內地名

反陘分先俞于趙注徐廣曰一作王公 王公疑三公
之譌常山郡元氏縣有三公山

左師觸龍言願見太后 戰國策作觸龍言爲一
字

老婦恃輦而行 東廣徵言太后纔三十有奇者以惠文王吳娃之子嗣位時尚幼約杜十歲以內享國三十三年而卒其后之年不過杜四十內外也古者夫歿稱未亾人太后自稱老婦不必計年之多寡索隱以吳娃當之不知娃之前歿史有明文也

孝成王十五年以尉文封相國廉頗爲信平君索隱云尉文蓋地名或曰尉文官名謂以尉文所食之地封廉頗也 按漢書王子侯表趙敬肅王子有尉文節侯丙是尉文爲趙地審矣或說非也正義云尉文蓋蔚州地

魏世家

魏絳卒諡爲昭子注徐廣曰世本日莊子索隱云系本

錯也

系本卽世本
避唐文皇諱

按左氏傳亦作莊子則世本不

誤昭莊聲相近

武堵爲秦所敗 年表作武都據表則武都二字當屬
上句城武都是一事爲秦所敗又一事

田敬仲完世家

殺高昭子晏孺子奔魯 晏孺子乃晏圉之誤也使孺

子果奔魯安得遷之駘而殺之當從齊世家爲是

伐衛取母邱索隱云母音貫古國名今作母者字殘闕

爾 予謂母古貫字与母音義俱別史記多古字故以母爲貫非字之缺也

田臣思曰索隱云戰國策作田期思蓋卽田忌也 臣當作臣音怡与期音相近

孔子世家

孔子生魯昌平鄉陬邑 說文耶魯下邑孔子之鄉从邑不从阜左氏傳亦作耶杜預云耶邑魯縣東南莖城是也

耶人輓父母 檀弓輓作曼曼輓聲相近

趨詳之節 詳与翔同

乃因史記作春秋據魯親周故殷運之三代正義云殷中也又中運夏殷周之事也 按正義訓殷爲中非也春秋宣十六年成周宣榭火公羊傳外災不書此何以書新周也何休云孔子以春秋當新王上黜杞下新周而故宋繫宣榭於成周使若國文黜而新之從爲王者後記災也又莊二十七年杞伯來朝何休云杞夏后不稱公者春秋黜杞新周而故宋以春秋當新王也漢儒說春秋者謂孔子制春秋之義以俟後聖王者存二代之後周監于夏殷繼周者當黜杞而存周以備三統故云據魯親周故殷運之三代據

魯謂以春秋當新王也親周故殷謂新周故宋也當以殷字絕句

子襄嘗爲孝惠皇帝博士遷爲長沙太守 漢書孔光傳作長沙太傅惠帝時長沙爲王國不得有太守漢書云太傅是也

子襄生忠 按上云鮒弟子襄此云子襄生忠是子襄爲鮒弟矣漢書孔光傳鮒弟子襄襄生忠則襄爲鮒弟之子矣孔光爲孔子十四世孫鮒襄各爲一世乃合十四之數此文蓋衍一子字

陳涉世家

陽城人也索隱云韋昭云陽城屬潁川地理志屬汝南
不同者按郡縣之名隨代分割陽城舊屬汝南史遷
云今爲汝陰句疑有譌後又分隸潁川韋昭據以爲說故
其不同他皆放此 按漢書地理志潁川汝南皆有
陽城縣而汝南之陽城則爲侯國宗室劉德所封傳
三世至王莽敗而國除故後漢志有潁川之陽城无
汝南之陽城非本隸汝南而後分隸潁川也小司馬
讀史不予細如此何怪後人

外戚世家

武帝初卽位 史公書稱孝武曰今上曰今天子曰天

子无稱諡者而此篇及賈生李將軍萬石君主父偃
衛將軍驃騎汲黯酷吏列傳皆有武帝卽位之文此
後人追改酷吏傳敘寧成周陽山皆稱武帝其下敘
趙禹則云今上時蓋追改又有不盡耳

楚元王世家

嫂詳爲羹盞櫟釜索隱云漢書作輶音勞 櫟輶聲相
近

削東海郡 漢初諸侯王國大率兼數郡之地郡之屬
王國者郡名似元未嘗廢齊悼惠王獻城陽郡以爲
魯元公主湯沐邑呂后割齊之濟南郡封呂台琅邪

攷異

史記四

去

郡封剡澤吳王濞封有四郡五十餘城景帝時削吳之豫章郡會稽郡削楚之東海郡趙之河間郡皆郡之屬於國者也趙相周昌奏常山二十五城亡其二十城請誅守尉則諸侯王國之郡亦有守也

齊悼惠王世家

獻城陽郡正義云括地志濮州雷澤縣本漢城陽縣後爲郡也 此城陽國非雷澤之成陽辨見景帝紀

孝文帝盡封齊悼惠王子罷軍等七人皆爲列侯

漢書高五

王傳

按漢書王子侯表管共侯罷軍氏邱共侯甯

國營平侯信都楊邱共侯安楊虛侯將閭勃侯辟光

安都侯志平昌侯卬武成侯賢白石侯雄渠皆悼惠
王子以文帝四年五月甲寅同日封此云七人蓋十
人之譌

以白石侯索隱云縣名屬金城正義云白石古城在德
州安德縣北二十里按金城郡昭帝所置此白石
當是齊地非金城之白石也正義近之

曹相國世家

平陽侯曹參者按蕭何曹參皆以相國終故目錄皆
云相國與陳丞相平張丞相蒼一例也而篇首一云
蕭相國何一云平陽侯曹參參不稱相國而稱侯又

與絳侯周勃同狀勃雖丞相以列侯終不可以例參也平津侯亦以丞相終而目錄不稱丞相與蕭曹諸人異矣其篇首則云丞相公孫宏若以蕭相國書法例之當云公孫丞相宏不當繫姓于官之下此皆史公義例之疏也

柱天侯反于衍氏 小司馬本作天柱侯故引盧江潛縣之天柱以實之

周勃世家

轉擊項籍攻曲逆最 漢書作曲遇逆字誤

梁孝王世家

梁餘尚有十城 漢書云削梁王五縣梁餘尚有八城
此云削梁八城餘尚有十城未詳誰是或据漢志梁
國統八縣以爲當從漢書予以爲未舛蓋志所述者
平帝元始之郡縣而梁平王削地乃在武帝元朔中
相去百廿餘年卽以漢書本傳攷之則王立嗣位之
後削地千戶及五百戶者數矣又削五縣而餘尚有
八縣益知餘八城之說未可信也

地入于漢爲郡 按漢志无濟川郡亦不言濟川國所
杜予嘗讀水經注引應劭說濟川今陳畱濟陽縣是
也乃知陳畱郡卽濟川故地志稱陳畱郡武帝元狩

元年置不言故屬梁國者史之闕也濟川國除杜武帝建元三年其時當爲濟川郡至元狩初移治陳畱乃改爲陳畱郡爾

呂后時已有濟川國乃齊之濟南郡非梁地說見呂后紀

三王世家

御史臣光守尚書令索隱云奏狀有尚書令官位而史闕其名耳按索隱說非也光以御史守尚書令非別有一尚書令而失其名也下文云太子少傅臣安行宗正事云太僕臣賀行御史大夫事皆与此一例續蕭文終之後于鄧索隱云蕭何初封沛之鄧音贊後其子續封南陽之鄧音嗟也按說文鄧沛國縣从

邑盧聲與南陽之鄧形聲俱別漢志俱作鄧字而南

陽之鄧孟康音讀沛之鄧應劭音嗟

當作嗟或古師音嗟如差

古云此縣本爲鄧中古以來借鄧字爲之讀皆爲鄧而莽呼爲贊治則此縣亦有贊音予謂沛郡之鄧亦有贊音乃由後來借鄧爲鄧之故非本音也班孟堅十八侯銘云文昌四友漢有蕭何序功第一受封爲鄧是蕭何初封杜沛之鄧當讀才何切明矣小司馬謂何初封沛後嗣收封南陽最爲有據特贊嗟二音正相違反今永城縣東有鄧陽集土人讀如嗟卽何所封也

一子爲朝陽侯正義云括地志朝陽故城在鄧州穰縣南八十里按漢書王子侯表朝陽荒侯聖下注濟南字而地理志濟南郡朝陽縣本是侯國則此朝陽非南陽之朝陽也

濟南之朝陽後漢稱東朝陽

史記四終

史記五

廿二史攷異五

錢大昕學

伯夷列傳

太史公曰余登箕山索隱云蓋楊惲東方朔見其文稱
余而加太史公曰也子長書每篇稱太史公皆自
稱其官非他人所加亦非尊其父也賈生馮唐傳文
亦有稱余而不加太史公者

暴戾恣睢索隱云鄒誕生睢音千餘反劉氏音休季反
按睢睢二字形聲皆別從劉音字當从目從鄒音
字當从且小司馬兼存二音而不辯正何也李斯傳

有天下而不忤睢索隱止有呼季反一音

衆庶馮生索隱云鄒誕生作每生母者冒也冒卽貪之義 每冒聲相近貪生之義較馮爲長

老莊申韓列傳 自序稱老子韓非列傳不及莊申二子

周守藏室之史也索隱云張蒼傳老子爲柱下史 按蒼傳但云秦時爲御史主柱下方書未嘗及老子一本作張湯傳尤誤

注服具勝實 具勝疑卽巨勝也

亢桑子之屬 亢桑卽庚桑也亢音剛与庚聲相近

又非吾敢橫失能盡之難也 失古軼字

則以爲鬻權索隱云韓子弼權作賣重 賣當作賣說
文賣衍也讀若育从貝从啗與賣字从出从買者不
同賣當音義一也

汎濫博文則多而久之 韓子作米鹽博辨天官書凌
雜米鹽正義云米鹽細碎也

胡兄弟之國也 鄭姬姓胡歸姓本婚姻之國而云兄
弟者禮經舅弟與兄弟有別已之舅弟與從父舅弟
從祖舅弟族舅弟皆同姓之親也若兄弟則兼異姓
言之喪服傳小功以下爲兄弟而姑之子舅之子亦

稱外內兄弟曾子問篇昏禮既納幣有吉日而壻之
父母歿已葬壻之伯父致命女氏曰某之子有父母
之喪不得嗣爲兄弟正義云壻於妻之父母有總服
故得謂之爲兄弟也

鄭人襲胡取之 按春秋昭公時歸姓之胡國尚存或
滅而復立或自有兩胡國也

夫龍之爲蟲也 大戴禮易本命篇有鱗之蟲三百六
十而蛟龍爲之長

皆原于道德之意而老子淡遠矣 按申韓之學皆自
謂本於老子而實失老氏之旨史公自序述其父說

道德與名法各爲一家而於此贊又明辨之言其似
同而實異也說者譏韓非不當與老子同傳蓋未諭
史公微旨

孫子吳起列傳

後十五年 五當作三

伍子胥列傳

費無忌爲少傅索隱云左氏作費無極 忌極聲相近
遂滅鄒魯之君以歸 習當作虜音之譌也左氏傳邾
子又無道吳子使太宰子餘討之囚諸樓臺鄒卽邾
也當云虜其君轉寫或誤尔一本滅作威

縣吳東門之上正義云東門鰭門謂鰭門也今名荊門

荊鰭聲相近古音有重唇無輕唇故讀鰭如鰭

仲尼弟子列傳

靈公太子蕢 衛世家作蒯聵說文頁部類字云頭

蔽類也蔽正字蒯俗字蕢通用字

乃下石乞壺鑿 左氏壺作孟孟壺聲相近

爲武城宰正義云括地志云在兗州卽南城也輿地志

云南武城縣魯武城邑

今刊本誤作武邑城

子游爲宰者也

按武城卽曾子所居之南武城索隱云當時魯更有

北武城故言南也亦謂之南城續漢書郡國志南城

縣有東陽城春秋哀八年傳吳師伐武城克之又云
吳師克東陽而進東陽在南城則南城卽武城矣
子夏居西河教授正義云竭泉山一名隱泉山在汾州
堰城縣北四十里 按汾州無堰城縣蓋隱城之譌
隋書地理志隱城縣有隱泉山此竭泉當作謁泉謁
隱聲相近也

正義云九二甲寅木爲世立五景行水爲應 立當作

六景行當作景子

景卽兩字

此注譌舛難讀今以意推衍

之外卦艮土內卦乾金外象生內象也子水爲世寅
木爲應應生世也內乾爲父外艮爲子純陽之卦內

象本艮一陽變乾三陽外象艮一陽凡五陽爻故主
五丈夫子內艮一陽不見故一子短命

商君列傳

注周室歸藉索隱云藉音胙字合作胙誤爲藉耳 子
謂藉胙聲相近

蘇秦列傳

秦兵不敢闕函谷關十五年 說者以此語爲從人夸
誕之詞狀張儀說楚王云秦所以不出兵函谷十五
年以攻齊趙者陰謀有吞天下之心其說趙王亦云
大王收率天下以賓秦秦兵不敢出函谷關十五年

則當時果有其事矣蘇秦從約之成在趙肅侯十八年又十五歲則趙武靈王之九年也是歲張儀始以連衡說魏此十五歲之中秦惟出兵攻魏閒一擊韓不聞及他國迨五國擊秦之師不勝在趙武靈王八年而後張儀得以說破之則合從不爲無功矣謂蘇秦去趙而從約皆解亦未盡然

夫齊者固寡人之濱讐 按燕王噲之時齊與燕未有

濱讐也蘇代此說必在昭王時故稱齊潛王爲長主

且有南面舉宋之語

潛王卽位三十八年而滅宋其年必已長矣故有長主之稱

若移此段問答于昭王召蘇代復善遇之之下則詞

有倫次矣

我下軹道南陽 道非地名蓋謂下軹之後取道南陽耳徐廣以霸陵之軹道當之固誤小司馬謂道爲衍字亦非也

張儀列傳

卒起兵伐蜀十月取之 按秦本紀及年表伐蜀乃惠王後九年事此傳敘于惠王十年以前則誤以爲前九年矣

樗里子甘茂列傳

秦惠王二十五年 按年表在惠王後十二年此云二

十五者并前十三年數之

助魏章攻楚 魏章卽秦本紀之庶長章也

白起王翦列傳

後七年白起攻楚拔鄢鄧五城 按年表在昭王二十

八年其拔趙光狼城卽在前一年此云後七年與表
異

趙孝成王與平陽君平原君計之索隱云平陽君未詳
何人 平陽君趙豹也見趙世家

孟子荀卿列傳

退而與萬章之徒索隱云孟子有萬章公明高等蓋竝

軻之門人也 按公明高非孟氏弟子廣韻以離婁
爲孟子門人其誤亦類此

始也濫耳索隱云濫卽濫觴是江原之初始故此文義
以濫爲初也 按小司馬說非也詳上下文義似謂
行之說始雖泛濫而要歸于仁義節儉耳司馬相如
傳 云相如雖多虛濫說然其要歸引之節儉語意
正相類

懼然顧化 懼卽瞿字

平原君虞卿列傳

公等錄錄索隱云說文云錄錄隨從之貌也 按說文

本作嫁云隨從也故王郤以錄爲借字

與魏齊閒行卒去趙困於梁 王懋竝曰范雎以秦昭王之四十一年爲相魏齊卽以是年奔趙匿平原君所四十二年誘執平原君魏齊與虞卿亡走魏後五年秦破趙長平則昭王之四十七年而周赧王之五十五年也睢傳所敘甚詳及攷虞卿傳卿爲趙計事皆在長平後與睢傳不合故古史攷疑魏齊歿後虞卿復歸相趙狀如所云則史窮愁著書之言亦無當矣通鑑敘誘執平原君事于赧王之五十六年則與卿傳合狀秦以五十六年正月罷兵其歲九月又攻

邯鄲此數月之中秦未必能誘致平原君而平原君亦未必敢往與古史所云未知孰是

春申君列傳

黃濟陽嬰城正義云嬰城未詳 按下文又云許鄆陵嬰城皆謂嬰城自守不敢戰也正義誤以爲地名故云未詳黃卽陳畱之外黃

沒利於前 沒與昧同趙世家昧歿以聞戰國策作沒歿

范雎蔡澤列傳 按秦本紀六國表不見二人名

至今閉關十五年不敢闢兵於山東者 范雎說秦在

昭王卅六年是時秦用白起破趙魏及楚者屢矣而穰侯方出兵攻綱壽安有閉關十五年之事

昭王乃遣趙王書曰王之弟在秦是歲昭王四十二年卽趙孝成王之元年也平原君爲惠文王之弟於孝成爲叔父惠文已歿不當更稱弟

號爲綱成君 水經注濕水篇云于延水又東逕岡城南按史記蔡澤燕人也謝病歸相秦号綱成君疑卽澤所邑也世名武岡城

廉頗藺相如列傳

趙惠文王十六年廉頗爲趙將伐齊大破之取晉陽

按六國表惠文十五年取齊昔陽卽樂毅破齊之歲也此傳與世家皆作十六年疑誤表與世家皆作昔陽而此作晉陽索隱又作陽晉

秦破趙殺將扈輒于武遂城 趙世家作武城武遂在燕趙之交秦兵未得至其地恐因上有武遂方城之文誤衍遂字耳

田單列傳

得之太史嫩之家 世家嫩作敷

號曰安平君 史不敘其後事攷趙世家孝成王元年齊安平君田單將趙師而攻燕中陽拔之二年田單

爲相卽齊王建之元年也豈襄王旣沒單遂去齊而入趙乎

魯仲連鄒陽列傳

今齊湣王已益弱 此時距齊湣王之歿已二十餘年矣文云今齊湣王似其人尚存

齊湣王將之魯 據世家則之魯之鄒兩事俱在失國之後

齊田單攻聊城歲餘注徐廣曰案年表田單攻聊城在長平後十餘年也 按六國表無田單攻聊城事惟燕武成王七年書田單拔中陽乃在長平前五年又

非聊城或疑徐廣之誤今細繹徐氏文義特以仲連遺書有栗腹事推檢時代當在長平後十餘年以正史公云二十餘年之誤非謂年表有田單事也仲連遺書之燕將必非與樂毅同時蓋其事在燕王喜之世別有以偏師下齊城懼讒不敢歸者不用仲連之言以至身歿城屠史公所書較之戰國策爲得其實矣吳師道謂田單相趙之後必不復返齊亦恐未然孟嘗君相秦而歸復爲齊相此其證也

屈原賈生列傳

爲楚懷王左徒

黃歇由左徒爲令尹則左徒亦楚之

貴臣矣

不獲世之滋垢 滋與茲同說文茲黑也春秋傳何故使我水茲

大破楚師于丹淅 淅當作浙楚世家作丹陽

殺其將唐昧正義云昧莫葛反 呂氏春秋作唐蔑漢書

古今人表同 古文昧蔑通

章畫職墨兮索隱云楚詞職作志 職與識通周官職

方氏漢華嶽碑作識方是也志卽識之古文

見周禮注

伯樂旣歿兮驥將焉程兮 程讀如秩與匹爲韻書平

秩東作史記作便程

方正倒植 植與置同論語植其杖而芸漢石經作置
購九州而相君兮索隱云漢書作歷九州 購當讀如
离离歷聲相近

單閼之歲兮注徐廣曰文帝六年歲在丁卯 按漢書
律歷志高帝元年歲名敦牂太初元年歲名困敦以
是推之單閼之歲當是文帝七年徐氏不知古有超
辰之法故云六年也

化變而嬗 文選嬗作嬗蓋从韋昭本訓而爲如嬗爲
蟬也

大專槃物兮索隱云漢書曰大鈞播物此專讀曰鈞槃

猶轉也 專與鈞聲相轉舌齒異音而均爲出聲此
假借之例也繁讀爲般補完切般播聲相近

搨如囚拘索隱云說文云搨大木柵也 按說文無搨
字索隱殆誤也漢書作儻而蘇林音欺全反却與罔
音相近

好惡積意注李奇曰所好所惡積之萬億也 意當作
億說文意滿也一曰十萬曰意

細故慙薊兮 薊不成字當作薊薊芥聲相近故漢書
作芥

呂不韋列傳

子楚夫人趙豪家女也 蓋不韋資助之遂爲邯鄲豪家

刺客列傳

曹沫者魯人也索隱云沫音亡葛反左氏穀梁竝作曹

劇狀則沫宜音劇

按說文沫从未讀莫葛切

與亡葛同

沫从未讀荒內切本是兩字小司馬溷而爲一非也

劇字宜讀如鸞聲噉噉之噉

呼惠切

乃與沫音相近

與韓相俠累有郤索隱云俠音古挾反 俠累合爲傀

音

將用爲夫人麗糲之費

正義本作大人注中夫人字

皆大人之譌下文家丈人召使前索隱引韋昭說古者尊父姬爲丈人又引漢書宣元六王傳古詩丈人故言遲證之則小司馬所見漢書與今本異也

李斯列傳

衛君殺其父而衛國載其德孔子著之不爲不孝 春秋衛石曼姑帥師圍戚公羊以爲伯討孟子書稱衛君輒爲孝公故趙高爲此言狀刺賸未嘗必于輒輒亦無德可載也

司城子罕相宋身行刑罰以威行之暮年遂劫其君韓子二柄篇云子罕謂宋君曰夫慶賞賜予者民之

所喜也君自行之殺戮刑罰者民之所惡也臣請行之于是宋君失刑而子罕用之故宋君見劫又人主篇云宋君失其爪牙于子罕簡公失其爪牙于田常高誘注呂覽亦云子罕殺宋昭公攷宋世家不載子罕事據左氏傳司城子罕乃宋之良臣仕平公朝初未劫君也但樂氏世爲司城或子罕之後更有專政劫君者事在春秋以後故戰國漢初人多言之鄒陽傳宋聽子罕之計而囚墨翟漢書作子冉亦此子罕也

與宦者韓談

太史公父名談如李談趙談之屬皆改

稱同

同談亦取聲相近

此韓談獨不改何也滑稽傳云談言

微中司馬相如傳因斯以談皆不避談字

蒙恬列傳

秦穆公殺三良而宐罪百里奚而非其罪也故立號曰
繆 據此則秦繆公之諡當讀如謬所謂名与實爽
曰繆也蒙恬秦人其言必有所自

張耳陳餘列傳

范陽人蒯通 此范陽注家不詳所杜師古以涿郡之
范陽實之因謂通本燕人後游于齊此不攷地理而
妄爲之說也方武臣等自白馬渡河纔下十城安能
遠涉燕地且范陽旣降之後趙地不戰而下者三十

餘城狀後乃至邯鄲武臣乃自立爲趙王狀後命韓
廣畧燕地豈容未得邯鄲之前已抵涿郡乎狀則蒯
生所居之范陽當屬何地曰淮陰侯傳稱齊人蒯通
又稱爲齊辨士則范陽必齊地矣漢志東郡有范縣
此卽齊之西境孟子自范之齊謂此地也趙世家云
嬴姓將大敗周人于范魁之西小司馬謂范魁趙地
狀則此范陽蓋杜齊趙之界本齊地而亦可屬趙也
淮陰侯列傳

走入城皋 城當作成下同

信遂追北至城陽正義云城陽雷澤縣是杜濮州東南

九十一里 此城陽是齊地非濮州之成陽

鍾離昧家在伊廬注徐廣曰東海朐縣有伊廬鄉 按

續漢書郡國志作伊廬注引史記亦作廬字廬廬古
多通用今江西廬陵縣土人讀如廬音

狡兔歟良狗亨 小司馬本狡作郊与吳越春秋同

陳稀拜爲鉅鹿守 此時鉅鹿屬趙國稀蓋以趙相國
兼鉅鹿守也漢初王國所領之郡亦置守

韓王信盧綰列傳

陳稀者宛朐人也索隱云地理志屬濟陰 按地理志
作冤句濟陰本梁地故史公稱爲梁人

高祖七年冬韓王信反入匈奴上至平城還迺封絳爲
列侯 按功臣侯表高祖六年正月絳之元年也又
云已破臧荼封絳爲陽夏侯則絳之侯在平城前矣
樊鄴滕灌列傳

漢王賜噲爵爲列侯號臨武侯正義云桂陽臨武縣也
按戰國之際趙有臨武君未必遠取桂陽之臨武
也

以將軍從擊荼戰龍脫索隱云其地闕 按趙世家孝
成王十九年以龍兌汾門臨樂与燕龍脫卽龍兌也
脫亦有兌音

劉敬叔孫通列傳

欲遣長公主呂后日夜泣 案張敖尚魯元公主杜高
帝困平城之前彼傳云高祖從平城過趙趙王朝夕
上食有子壻禮可證也婁敬進說乃赴平城以後詎
有奪趙王后以妻單于之理乎此事未可信

季布樂布列傳

爲氣任俠注俠粵也索隱云粵音普名反其義難喻

按說文粵俠也三輔謂輕財者爲粵

袁盎鼂錯列傳

袁盎騎竝車孥轡上曰將軍怯邪 盎時爲中郎將文

帝稱爲將軍後爲吳相歸說丞相申屠嘉嘉曰鄧野
人乃不知將軍幸教灌夫嘗爲中郎將史亦稱灌將
軍此中郎將稱將軍之證也予又攷漢時稱人爲將
軍特尊重之稱不必實指其官如灌夫稱田蚡爲將
軍蚡乃丞相也程不識李廣以衛尉而稱將軍衛尉
本典兵之官

歾十餘日吳楚七國果反 錯父歾才十餘日而錯衣
朝衣如故則錯初未行一日之喪也刑名之學其弊
乃至于此翟方進喪後母三十六日而起視事猶爲
彼善于此也

噤口不敢復言也

漢書噤作卅卅噤聲相近

皆羣母

時鄧公免起家爲九卿

漢書公卿表无鄧公名

張釋之馮唐列傳

堵陽人也正義云應劭曰哀帝改爲順陽水東南入蔡

括地志云順陽故城杜鄧州穰縣西三十里楚之鄆

邑也及蘇秦傳云楚北有郢陽竝謂此也按堵陽

与順陽非一地兩漢志皆有堵陽縣屬南陽郡哀帝

改順陽爲博山以封孔光不聞又改堵陽爲順陽也

應劭謂順陽杜順水之陽此云水東南入蔡者當謂

順水也蘇秦傳注引括地志順陽故城杜鄧州穰縣

西百四十里与此注亦小異古書未聞以順陽爲堵

陽者正義之說蓋出于水經注此酈氏誤爾

水經注消水篇

緒陽地理志曰縣有緒水漢哀帝改爲順陽

後漢書朱祐傳注堵陽故城

杜今唐州方城縣方城今裕州也豈得與順陽溷而爲一乎

陵遲而至于二世 漢書作陵夷平準書選舉陵遲漢

志亦作夷司馬相如傳陵夷衰微漢書作遲古文夷

與遲通詩周道倭遲韓詩作郁夷淮南原道訓馮夷

大丙之御高誘云夷或作遲婁壽碑徕徕衡門卽栖

遲也說文遲或作迟从尸古文夷字

從行至霸陵居北臨厠注李奇曰霸陵北頭厠近霸水
如淳曰居高臨垂邊曰厠也蘇林曰厠邊側也索隱
云劉氏厠音初吏反包愷音側義亦兩通 予謂厠
卽側字側旁从人隸變爲厂与厠固字从广者不同
劉伯莊音初吏反小司馬以爲義可兩通蓋厠厠兩
字唐以前已相溷矣

萬石張叔列傳

慶方爲丞相諸子孫爲吏更至二千石者十三人 按
褚先生敘田仁刺舉三河河東太守石丞相子孫也
石氏九人爲二千石方盛貴仁數上書言之其後三

攷異

史記五

七

河太守皆下吏誅歿此杜慶已沒之後

田叔列傳

谷口蜀剡道近山 剡道者棧道也

扁鵲倉公列傳

秦策于是出 趙世家作秦讖讖策聲相近

嬴姓將大敗周人于范魁之西正義云賈逵云月皐曰

魁 月蓋川之譌

趙世家正義引賈逵說不誤

郭景純注爾雅云

漢原杜份陰者人壅其流以爲陂種稻呼其本出處
爲漢魁又漢書王子侯表有劇魁侯葛魁侯皆取川
皐爲名

案杭毒熨索隱云杭音玩謂按摩而玩弄身體使調也

杭當作抗从手从元轉寫譌爲杭耳

太倉公者齊太倉長 孝文紀作太倉令意之名无所
避而文紀稱淳于公又稱太倉公目錄亦稱倉公而
不名蓋當時有此稱史公因而書之

吳王濞列傳

趙王有罪削其河閒郡索隱云案漢書作常山郡 今
攷文帝二年取趙之河閒郡討趙王遂弟辟疆爲王
傳子福无後國除人于漢則河閒之屬漢乃杜文帝
時非以罪削也楚元王世家亦云削趙王常山之郡

此傳誤

魏其武安侯列傳

父世觀津人索隱云言其累葉杜觀津故云父世也

子謂世者嬰父之名

程李俱東西宮衛尉注漢書音義曰李廣爲東宮程不
識爲西宮 按不識爲長樂衛尉長樂宮太后所居
杜未央之東故云東朝是程東宮李西宮也楊且子
葬渭南章臺之東長樂宮杜其東未央宮杜其西此
東西宮之證

韓長孺列傳

御史大夫韓安國者 安國以御史大夫病免復起爲
他官以卒篇首仍書御史大夫亦變例

梁城安人也正義云括地志云成安屬潁川郡陳留郡
又有城安縣亦屬梁未知孰是也 按城安之城當

作成漢志陳留潁川二郡皆有成安縣而陳留爲梁

故地潁川爲韓故地史稱梁成安則爲陳留之成安

無疑

潁川之成安本潁縣地武帝封韓千秋子延年爲侯國

禪取辱耳注徐廣曰禪一作祗 按漢書亦作祗易坎

不盈祗旣平京房本作禪說文亦同蓋禪祗古通用
也古書是与氏同

衛將軍驃騎列傳

將軍公孫賀 公孫賀李蔡皆官至丞相而以將軍目之蓋漢人以將軍爲重且諸人皆從衛霍立功其壯相位初无表見故但稱將軍而已

以浮沮將軍出五原 按匈奴傳賀將萬五千騎出九原二千餘里至浮苴井而還浮苴卽浮沮蓋以地名趙破奴爲匈奴浚稽將軍李廣利爲貳師將軍亦其類也

七爲將軍 七當作五

平津侯主父列傳

齊菑川國薛縣人也 漢志薛縣屬魯國不屬齊与菑
川說者引儒林傳稱平津爲薛人既云薛人則上言
齊菑川者誤耳予攷本傳元光元年有詔徵文學菑
川國復推上宏宏謝國人國人固推之則平津爲菑
川人無疑菑川本齊之故地故汲黯詰宏云齊人多
詐而无情實史言菑川又言齊者當時通俗之稱扁
鵲言臣齊勃海秦越人也言勃海又言齊与此一例
非史之誤 漢書无齊字
班氏所刪 漢志菑川國祇有三縣无薛
縣狀高五王傳青州刺史奏菑川王終古禽獸行請
逮捕有詔削四縣安知薛縣不在所削之內乎且漢

列男
志所載郡國領縣若干皆元成以後之制王國大者
僅十餘縣小者三四縣如薤吾故屬河閒良鄉安次
文安故屬燕陘城故屬趙之類賴有列傳畧見一二
未可據志以駁傳也

地固澤鹹鹵 漢書无鹹字疑衍

是時趙人徐樂 漢書樂燕郡無終人

又使尉佗屠睢 漢書无佗字疑衍

南越尉佗列傳

取邯鄲繆氏女 繆當作摎从手効

立明王長男越妻子循陽侯建德爲王注徐廣曰元鼎

四年以南越王兄越封高昌侯 按徐說非也功臣
表術陽侯建德以南越王兄越高昌侯封是高昌乃
南越私號及降漢之後始受術陽之封耳史舉其後
封號書之

東越列傳

世俗號爲東甌王 封禪書越人勇之言東甌王敬鬼
壽至百六十歲卽東海王搖也

天子問太尉田蚡 按建元二年蚡已罷太尉矣此時
蓋以列侯奉朝請武帝猶以前官稱之

不戰而耘注徐廣曰耘義當取耘除或言耘音于粉反

此楚人聲重耳 惠棟曰此耘字之誤漢書作頤耘
与頤通左氏成二年傳頤子辱矣說文引作耘耘古
字頤今字徐氏耘除之義失之

朝鮮列傳

朝鮮相路人相韓陰 漢書作韓陶

降相路人之子最 案降字當連上爲句長降右渠子
名也功臣表作長路路姑落切与降聲相近小顏注
漢書謂相路人前已降漢而死于道故謂之降相此
妄之甚也下文長爲幾侯長下亦當有降字

陰爲菽苴侯索隱云菽音秋 漢書本傳作秋苴而功

臣表作荻苴師古音狄史記表亦作荻索隱音狄未知孰是

最以父歿頗有功為溫陽侯 溫陽當從表作涅陽漢

書亦作涅陽

司馬相如列傳

臧玠元厲 說文玠璽石之次玉者卽此臧玠也

諸蔗獬且 漢書作巴且卽巴蕉也巴与獬且与蕉聲

皆相近

則生葳蕤苞荔 漢書蕤作析文選作葳析斯聲相近

釋艸云葳蕤大薺說文作析

兕象野犀窮奇獫狁 漢書无此八字文選獫狁卽上

文螭窮奇象犀則上林賦有之當是後人妄增

儵聃淒洄 漢書淒作倩淒倩聲相近

衿衿袷袷 袷卽褻字說文衿褻皆長衣兒

罔瑋瑋 瑋瑋字重出

何爲无用應哉 漢書用作以以用聲相近

洶涌湧潰 漢書作彭湃湧与彭潰与湃聲皆相近

澎湃沆漑 漢書澎作湧湧澎聲相近

歲橙若蓀 漢書橙作持持橙聲相近韋昭曰持音懲

小顏破持爲苻非

巖突洞房索隱云突音一弔反 文選突作窾漢書字

謫爲突小顏謂若竈突狀非也

華汜檼櫨 漢書汜作楓檼作枰皆聲相近

畱落胥餘 漢書作胥邪邪餘聲相近郭景純不詳畱
爲何物按釋木劉勰注劉子生山中實如梨卽此
畱也

連卷累嵬 漢書累作儷儷累聲相近

紛容蕭蔎 鄭司農注攷工記引作紛容掣蔎漢書容
作溶蕭作蒨

旖旎從風 說文无旖旎字漢書作猗柅當從之張揖
訓爲阿那亦取聲相近

被闕文

漢書闕作班班闕聲相近

藝瑱仆注徐廣曰射準的曰藝說文臬射準的也周禮匠人建國水地以縣置槩以縣鄭康成謂槩古文臬假借字亦借用藝字春秋傳陳之藝極注藝準也巴俞宋蔡淮南于遮巴俞當作嘑噲說文引司馬相如說淮南宋蔡歌舞嘑噲正据此賦蓋以宋蔡嘑噲与淮南于遮對文也許叔重生于漢時所見本當不誤嘑巴聲相近故或作巴俞郭景純以巴渝舞當之非是

眇閭易以戊削

漢書戊作恤閭易猶姚易也

出史篇

媼姪微衍 漢書作媼嬖肩媼與媼姪聲相近說
文无微衍字當從漢書

夏正朔 漢書夏作葦聲相近

用典法誅其渠帥 晉書刑法志魏文侯時李悝著法
經六篇蕭何又益典廢戶三篇

負邈絕而不齊兮 此下五句漢書无之

虜征北僑 北當作伯

衍曼流爛壇以陸離 漢書壇作疹說文直多殺也詩

嘽嘽駱馬說文引作疹疹直多聲相近故壇或爲疹

媼侵薄而高縱兮 漢書媼作儻儻媼聲相近媼讀如

攷異

史記五

舌

檢徐音熾非也說文尋字旁从彡隸變与水相亂

涉豐隆之滂沛 漢書沛作漣漣沛聲相近

視眩眠而无見兮 漢書眠作泯眩眠卽瞑眩也泯眠聲相近

湛思蒙涌 漢書作厖洪古音厖如濛

終都攸卒注漢書音義曰都於卒終也 都於釋詁文首惡湮沒 漢書湮作鬱鬱湮聲相近

獲周餘珍收龜于岐 漢書无珍字

蓋號以况榮 蓋讀如益文穎訓爲合合號猶言合符也小顏以爲語辭似迂

或謂且天爲質闕 漢書閣下有元字屬下讀

君乎君乎 漢書乎作兮兮乎聲相近

淮南衡山列傳

宗正臣逸廷尉臣賀備盜賊中尉臣福 漢書公卿表

无此三人名

先要成皋之口正義云成皋城杜河南澠水縣東南二

里 澠水蓋汜水之譌

日夜從容王 從容漢書作縱史史讀曰勇縱史謂嬖

勸也史容聲相近

鬼史區亦作鬼容區

日夜從容勸之 從容漢書作將養師古讀將爲獎將

攷異

史記子

三

養亦縱吏之轉也從當讀子容切

汲鄭列傳

其餽遺人不過算器食注徐廣曰算竹器 算与匱同
士冠禮爵弁皮弁緇布冠各一匱注匱竹器名古文
匱爲簋說文匱淥米數也

儒林列傳

于趙自董仲舒 仲舒廣川人而稱趙者廣川故趙地
也公孫丞相菑川人而云齊人朱買臣會稽人而云
楚士亦此類

太皇竇太后 當云竇太皇太后

及徐氏弟子公戸滿意 公羊傳有公扈子公戸疑卽
公扈也

酷吏列傳

乃拜都爲濟南太守 據漢表都自濟南太守遷中尉
杜景帝前七年而郡守更名太守乃杜景帝中二年
則其時不得稱太守也太字衍

與汲黯俱爲校司馬安之文惡俱杜二千石列同車未
嘗敢均茵伏索隱云言二人与由同載一車上不敢
与之均茵軾謂下之也 予謂小司馬說非也司馬
安以黯姑姊子同時仕宦由重黯而輕安或時与安

俱出不得已与安同車朕亦恥与均苗伏所謂伎也
當以与汲黯俱爲句爲伎二字屬下句文義方安班
史脫去与俱兩字注家因謂黯安二人皆畏由不敢
与均失之遠矣漢書伏作馮古人讀伏如匄与馮聲
相近王吉傳馮式擗銜卽戰國策之伏軾擗銜也碧
落文亦以凭當伏字

玆鼠掠治傳爰書注蘇林曰傳謂傳囚也 予謂傳蓋
傳字之譌傳讀曰附謂附于爰書

家兩子夾河爲守 夾河謂河內河南也褚先生叙田
仁刺舉三河是時河南河內太守皆御史大夫杜父

兄弟即此所云夾河爲守者也

大宛列傳

奄蔡正義云漢書解詁云奄蔡即閼蘇也 蔡有蔡音
經典多以蔡代蔡字与蘇聲相近

而樓蘭姑師小國耳注徐廣曰即車師 車姑聲相近
烏孫侖頭 侖頭漢書作侖臺臺頭聲相近

游俠列傳

田仲王公劇孟 王公即王孟

藏命作姦索隱云案謂亡命也 予謂命者名也藏命
猶言匿名

與人飲使之嘯注徐廣曰音子妙反盡酒也 嘯與醕
同說文醕飲盡酒也續漢書五行志嘯復嘯者京都
飲酒相強之詞也

東道趙他羽公子索隱云舊解以趙他羽公子爲二人
今案此姓趙名他羽字公子也 予以上下文證之
則舊解爲是春秋傳鄭穆公之後有羽氏

佞幸列傳

仁寵最過庸不乃甚篤 予謂不乃者不能也乃能聲
相近言周仁寵過于常人猶不能甚篤以見景帝之
无寵臣也

滑稽列傳

威王八年楚大發兵加齊 按世家及表是年齊楚无
交兵事此傳之言多不足信

其後百餘年楚有優孟 優孟事楚莊王杜淳于髡前
二百餘年此傳云杜髡後百餘年乃踰駁之甚者而
小司馬未及舉正何也

銅歷爲棺索隱云歷卽釜鬲也 歷卽麗字說文鬲或
作麗

曰者列傳

獵纓正襟危坐索隱云獵攬也 獵攬聲相近

比周賓正 賓讀曰擯六國表諸夏賓之張儀傳大王
收率天下以賓秦皆擯棄之義

天人家曰小吉太一家曰大吉 天人家不見于藝文
志或云當作天一藝文志五行三十一家有天一六
卷秦一二十九卷

龜策列傳 張晏謂龜策傳有錄无書褚先生言臣從
來長安中求龜策列傳不能得狀此篇有今上卽位
之文其詞非褚先生所能作

宋元王二年 宋世家有元公而无元王宋之稱王自
偃始此元王或卽主偃之譌王偃雖戰勝攻取尋卽

凶滅暴而不德非靈龜所能祐也

規矩爲輔副以權衡 按魏相奏事言東方之神執規
司春南方之神執衡司夏西方之神執矩司秋北方
之神執權司冬此云規矩權衡指四方而言并四維
爲八卦此遁甲式今人所云奇門也

視其吉凶介蟲先見 此冬至後壬子日庚子時也

夜半宿杜牽甲午爲旬首杜與宮杜門爲使時加子

子爲元武其占爲介蟲

桀有諛臣名曰趙梁 桀臣趙梁紂臣左彊本紀皆无
之

貨殖列傳

積著之理務完物 著古貯字說文宁訓辨積物是積貯本字而宁与著通詩俟我於著乎而卽當宁之宁此又通爲積宁之宁

白圭曰吾治生產猶伊尹呂尚之謀孫吳用兵商鞅行法 案白圭當魏文侯時而商鞅佐秦孝公孝公卽位距魏文侯夢已二十五年矣不得如史所言

江南卑溼丈夫早夭 賈生傳言長沙卑溼是也

豫章出黃金長沙出連錫 卽上文所謂江南出金錫連也篇中江南皆謂豫章長沙南楚之地非今之江

南

果隋羸蛤正義云隋今爲搖音同上古少字也果搖猶搖蠶包裹也 案說文无隋字蓋卽隋之省文索隱讀爲徒火切者是也漢書作羸音与隋相近正義安引果搖方言輒詆班氏可謂詭之甚也

以故𦵏窳 說文作𦵏从兩口与𦵏𦵏字不同

封者食租稅歲率戶二百千戶之君則二十萬 按漢

書富平侯張安世國杜陳畱別邑杜魏郡租入歲千餘萬子延壽嗣上書讓減戶邑徙封平原并一國戶口如故而租稅減半狀則漢時戶口租稅固有多寡

之殊史公云歲率戶二百者舉其大畧耳又匡衡封
僮之安樂鄉鄉本田提封三千一百頃南以閩陌爲
界初元元年郡國圖誤以閩陌爲平陵陌多四百頃以
是推之列侯封戶雖有定數要以封界之廣狹定租
入之多寡故有戶口同而租稅異者

醯醬干瓠索隱云瓠音閑江反 瓠當作瓠說文瓠似
罌長頸受七升讀若洪

木器髹者干枚 髹當作髹說文髹漆也

馬蹄躐干注躐苦弔反馬八髹 按說文元躐字徐解
爲馬八髹八髹卽尻骨則躐乃竅之異文漢書躐作

敬故小顏訓爲口

寧爵母刁

古音爵与醕近服虔左傳解詁云爵者醕

也所以醕盡其材也

見隱元年正義

此以刁爵合韻亦讀爵

如醕

洒削薄技也

予謂削讀若潒說文潒所以攤水也引

漢律及其門首洒潒卽郅氏之洒削

太史公自序

自史公有自序一篇而班孟堅司馬彪

亦稱華嶠

稱諸叙見三國志注

沈約魏收李延壽之徒各爲叙

傳承祚先世仕蜀不顯蔚宗与漢年代隔越故不立

此篇蕭子顯齊豫章王疑之子其傳贊云烈考云我

王与它篇異但傳中竟不列己名則又矯枉過直矣
姚思廉陳書于父傳末畧述己修史事而不稱叙傳
亦不及入唐以後事于體例最爲得之唐宋以來設
立官局史非一人一家之書故无叙傳之名矣

談爲太史公 按太史公是官名遷父子世居其職衛
宏漢人其言可信而後人多疑之予謂位杜丞相上
者謂殿中班位杜丞相之右非職任尊于丞相也虞
喜謂朝會坐位猶居公上蓋得之矣子長自言天下
遺文古事靡不畢集太史公与漢儀注云天下計書
先上太史公者正合史記一書惟自序前半稱太史

公及封禪書兩稱太史公指其父餘皆遷自稱之詞
小司馬小顏以爲尊其父者非矣

有省不省耳 按爾雅省善也有省不省猶言有善有
不善

竊觀陰陽之術大祥注徐廣曰一作詳索隱云漢書作
大詳今此作祥于義爲疎 予謂古書祥詳通用易
視履考祥釋文云本亦作詳書呂刑告尔祥刑後漢
書劉愷傳注引作詳刑鄭康成注詳
審察之也君奭其終出于
不祥漢石經本祥爲詳小司馬譏祥義爲疎是未識
古文也

實不中其聲者謂之窳注徐廣曰音款空也 漢書窳

作款款空聲相近莊子導大窳向秀讀窳爲空

厄困鄙薛彭城 漢書鄙作蕃

卒三歲而遷爲太史令 令當作公正義文可證

孔子卒後至于今五百歲 按孔子卒于魯哀公十六
年至漢武帝太初元年凡三百七十五歲云五百歲
誤矣上文云自獲麟以來四百有餘歲其實尚不盈
四百歲也

上大夫壺遂索隱云遂爲詹事秩二千石故位上大夫
也 按十二諸侯年表稱上大夫董仲舒封禪書叙

新垣平云于是貴平上大夫萬石君傳以上大夫祿
歸老于家倭幸傳鄧通官至上大夫韓嫣官至上大
夫似漢時本有上大夫之官又封禪書拜公孫卿爲
中大夫

虞舜不台索隱云台音怡 五帝本紀舜讓於德不懼
徐廣云今文尚書作不怡台古怡字

閒不容翽忽 翽當爲葉淮南天文訓秋分葉定葉定
而禾熟故十二葉而當一粟高誘云葉古文作杪也
小司馬訓翽爲輕失之

栗姬負貴 負與負同恃也武安侯傳贊武安負貴而

好權与此同義下文述梁孝王云傾愛矜功亦同
維仲之省 省訓善言仲雖以罪奪王爵而高帝猶善
之故又封其子也羹頡侯亦兄子以其母不善故不
得王

爲太史公書 案子長述先人之業作書繼春秋之後
成一家言故曰太史公書以官名之者承父志也以
虞卿呂不韋著書之例言之當云太史公春秋不稱
春秋者謙也班史藝文志太史公百三十篇馮商所
續太史公七篇俱入春秋家而班叔皮亦稱爲太史
公書蓋子長未嘗名其書曰史記也桓譚云遷著書

成以示東方朔朔皆署曰太史公署之者名其書也
或者不察以公爲朔尊遷之稱失之遠矣周本紀云
太史伯陽讀史記陳杞世家云孔子讀史記儒林列
傳云孔子因史記作春秋十二諸侯年表云孔子西
觀周室論史記舊聞又云左邱明因孔子史記具論
其語成左氏春秋老子列傳云史記周太史儋見秦
獻公云云天官書云余觀史記攷行事此篇云史記
放絕又云紬史記石室金匱之書皆指前代之史而
言班史五行志所引史記亦非太史公書楊惲傳惲
始讀外祖太史公記初不云史記又攷漢書宣元六

王傳東平王宇上疏求太史公書大將軍王鳳言太
史公書有戰國縱橫權譎之謀揚雄傳太史公記六
國歷楚漢訖麟止不与聖人同叙傳東平思王以叔
父求太史公諸子書大將軍白不許後漢書竇融傳
乃賜融以外屬圖及太史公五宗外戚世家魏其侯
列傳范升傳難者以太史公多引左氏升又上太史
公違戾五經謬孔子言及左氏春秋不可錄三十一
事陳元傳博士范升等議奏左氏春秋不可立及太
史公違戾凡四十五事楊終傳受詔刪太史公書爲
十餘萬言皆不云史記史記之名疑出魏晉以後非

子長著書之意也後漢書班彪傳有司馬遷著史記之語此范蔚宗增益非東觀舊文

正義序

開元二十四年八月殺青斯竟 案守節撰正義成于
開元廿四年小司馬索隱前後序則不著撰述之年
而唐書藝文志注貞云開元潤州別駕是兩人生于
同時而其書不相稱引司馬長于駁辨張長于地理
要皆龍門功臣難以偏廢守節官諸王侍讀右清道
率府長史唐志失書小司馬序自題國子博士宏文
館學士而唐志云潤州別駕殆終于別駕者與正義
索隱兩書唐時皆單行不附于正史今索隱尚有汲

古閣所刊單行之本正義舊本失傳卷帙次第无可攷矣

論字例

美下爲大裒下爲衣 按說文美从羊从大漢隸或有誤从火者此文大字必火之譌也裒字說文所无易裒多益寡唐石經作裒裒之爲裒亦隸體之變此字宜杜衣部而守節訶爲譌字何耶

史記五